



8. maj 2012

Inatsisartut suleriaasianni §37 imm.1 naapertorlugu Naalakkersuisunut apeqqutit imatut saqqummiuppakka:

1. **Sinerissamut qanittumi saarullinniarfiusuni umiarsuarnik tunitsiviliinissamut qinnuteqaateqartoqarpa? aamma suliffeqarfiit sorliit akuersissumik pissarsippat?**
2. **Umiarsuarnik tunitsivinnik saarullinniat eqarsaatigalungit akuersisuteqartoqarsimappat piffinni sorlerni akuersisoqarpa?**
3. **Sinerissap qeqqani saarullinniarfiusuni saarullinnut tunitsivittut umiarsuit nunaqavissunik ingerlanneqartut qassit aasaq mannamut tunitsiviliinissamut akuerisaappat?**

(Inatsisartoq Jens Immanuelson, Siumut)

Tungavilersuut:

Apeqqut siullermut:

Saarullinniat aasaq manna tunitsivissaqarnissaat aalisarnissaminnullu pilersaarusiorsinnaaqullungit uneqattaanngitsumik aalisarnissaat eqqarsaatigalungu. Taamatutaaq suliffeqarfiit tunitsivittut akuersisoqarsimappat sorliit akuerisaanersut aalisartut suliffeqarfiillu pilersaarusoqatigiissinnaaqullungit.

Apeqqutip aappaanut:

Tamatumani piffiit saarullinniarfiusut aalisartullu tunioraasussat eqqarsaatigalungit pigaaruteqarluinnarmat aalisartut tunioraasussat eqqarsaatigalungit. Pilersaarusiorsinnaasut aalisarnerup uneqattaanngitsumik ingerlanissaa anguniarlungu.

Apeqqutit pingajuannut:

Nunaqavissut periarfissallit salliutinneqarnissaat pigaaruteqarluinnarpoq anigaasarsiornermi nunatsinni anigaasat annermik nunaqavissunik pissarsissutaanissaat anguniarlungu ilaatigummi nunaqavissut tunitsiviutillit periarfissinneqarnissaat pissusissamisoortumik tapersorsorneqartariaqartoq isumaqarama .

Aasalerpoq aalisartullu saarullinniat eqqarsaatigalungit naatsorsuutigineqarsinnaasumik pilersaarusiorsinnaasariaqarmata.

Inussiarnersumik

Jens Immanuelson